

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là via da l'Edicole e là dai Tabachins in plazzes Contarene e in Borg S. Bartolomeo

Abonaments par l'interio un An quatri francs: 6 mes doi francs: par l'estero il dopli.
Inserzioni: intindisi cu l'Aministrazion. Mandà i bez cun letare racomandade o in vaglia postal al sempris indirizz: — Aministrazion dal Florean dal Palazz, Udin —

STORIENS DI FLOREAN

I SALAMS DI UN MUINI.

E savès la storie di un salam che il nestri immortal Zorùt al ha celebrat in un so poeme che al reste fra i sisi miors lavors umoristichs cui quai al ha fatt tant ridi i furians.

Jo ciart no mi azardàrai di olè imità nance par donge il poete dal Friul cul contà la storie dai salams sucedude a un muini de uestre citat che al podarèss jessi chell di san Zorz.

Ciò lui, puar diaulat, al varà pensat che enmò che van a ciapà su i ùs pes fameis cul truch di ricevi la Bole de comunion di pasche, un pos di salams a ciase no stan mai par podè fa dës buinis fritais rognosis. Massime se si po ve chesg salams a bon prezit e cioè procurà di rangiai a l'Aministrazion de ciase Trezze il so brav dazi.

I muinis e orodaran che, avind simpri da fà cui predis e ou la glesie di vè l'asoluzion facilmentri se anoe e cometin qualche baruchele che no jè tant lodevul in linee di estreme delicatezze e onestat. E po quand che son i ùs gratis et amore, par fa cheste benedete fritae rognose, al sarès un ver peciat a pajà il dazi dai salams.

Il fatt sta che zà dhis il muini in discors al jentrave biell biell pe puarte, quand che une uardie e crodè ben di fermalu par fà qualche interrogazion sun l'one spezie di fagot, nuje afat natural, che si vedeva tai bragon denant.

La uardie, puarete, si jè immaginade che no si puedi di un moment a l'altri sgionfassi lis giambis, o qualche altre robe, in mud cussì straordenari e par verificà al ha gentilmentri invidat il muini e jentrà in

uffizi e par assicurassi che il sgionfun nol foss procurat da qualche cause estranee a lis malatis normals dai muini.

E là pardie il muini al ha scugnat tirà ju i bragon in presinze des uardis e dai impiegaz dal dazi che no han podut fa di manco di ridi viodind che pendolavin, picias, doi bie salams, intindinsi, di chei che propri si fasin des buinis fritais rognosis. E nuj, no ha zovat, parcè che il puar muini al fo mitùt in contravenzion, dovind pajà cinq voltis l'impuart dal dazi.

Mi displas, in veretat, di chest inconvenient sucedut al muini, parcè che dopo dutt lui al tentave di fa un poce di culumie domestiche in chestis anadis che dutt al è ciar, e i afars, ance pai muinis in zornade e son avonde magris. Ma diambar, al doveve pensà che lis uardis no han mingo no i voi fodràs di persut e che a lor i jè permitut di inacuazzisi se ciarts glonfuns tes giambis e son prodòs da difès naturai opur da... salams di fa des buinis fertais rognosis! Puaris fritais!

FLOREAN IN ZIR

UNE GRUESSE QUESTION RISOLTE

Veso vidut, veso sintut, ce tang comarezz, ce tang cisichèzz che si son fass e sintus tē passadè setemane? E ce isal stat? Si vedevin sioris e feminis di ogni qualitat vistadis a neri, zirà pes glesis, fevelassi tes orellis, e dutis in smanie lis Maris cristianis, Fiis di Marie, anellis, beghinis di ogni color e di ogni qualitat. Qualchi mangelmoon e fruite bancs di glesie ance chesg in gran confusion, in gran pinsir. E ce

erial, ce diseveno? Florean al ha mandat ator par savè la cause di ches tibidon e al ha racolt che il vescul gnuv al jere al pont di cioli misuris radicals sul nid che al dà ricovero a tante nae di int. Jo, e disève une, o fas un triduo a sant Josef. E un'altre: Caustu che al puedi sant Josef, che ance lui al è destinat a là fur di glesie, e si ul' distruzi il so altarut. E une tiarze: Jo mi ten a la Madonne e o hai preparade une novene. Ance cheste e stà par jessi parade fur di ciase e rispuind une quarte. Pre Z.... in te so passion al mi ha dit che qualore il vescul al sciare la buteghe al dà di man al mai, e patatrac, si disfe tutt. Une quarte, che si crod svelte e pratiche tal tratà cun cui che pò, e cun cui che si devi: Jo l'hai pensade miei di voaltris, e disè, jo mi soi rivolte al paron di ciase, vecio se uelis, mà in une vision, che nol jere un sium, mi ha rivelat che la me prejere e restarà esaudide. Chest bon vecio, che come che saves, al è Santantoni Abat, mi ha fat cognossi la facende, e in prin o hai sintut a rispuindimi: Vo, ciare fie, la ves induvinade parcè che la Madone e san Josef e son un poc invelegnas savind da là malègrazie che si ul fai di paraju fur di ciase, e distruzi i lor altars par caprizi e vendette cuintri il vescul, ma chest nol succedarà. Jo sai che il vescul al clamarà a se chei dotorons che son i p.... di Udin, e che han di fa il colegio dai stupiz par no fant mai une di drete.

Saves che il purcit al mi fas simpri buine compagnie, e se nò uelis orodi vignit a viodi. Chell che o hai mazat l'an passat al mi ha dat doi persuz che son uite maravee, e jo o farai cussi. Prepararai nuv bieles fetis, e ben gruessis e quand che il vescul al clamarà i dotorons a votà par il sì o par il no, taff la fete di persut sui voi, e senze savè ce che si fasin e votaran par il no, cioè che la glesie di San Antoni a stei viarte come prime, erodind di votà par il sì, cioè che si siari. Cun chest ritrovato e vedares, fie ciare, esaudis, i uestris vòs. Il vescul al salvarà il so decòro, e la fignere dai mamòs la faran i batobios da me suarbaz par la lor superbie, e jù jù fin all'acqidie.

Come Santantoni al ha dite cussi e jè stade. La glesinte dal Vescovat abenchè minacci qualchi bon gropp di sufit, e restarà viarte. Pre Z.... che al veve fatt i fagoz par là a Piesole a fa il nuviziat, a sinti cheste miracolose rivelazion, e il fatt

succedut al ha erodut ben di ricognossi il famos dètt di Germanie, quasi cun un altri miracul la gran vocazion irresistibil si è cambiade in une perfète ubidienze a la volontat dal Superior, e quindi la Madone e Sant Josef e restaran di ciase ance a Santantoni, e cressaran anzi i furnimènz, e cussi cun un bon inventari si saran assicuraz dugg i hoghs, e lis buiois, comaris che si continuerà ta la istesse traine, e cu la medesime flaine. Cussi ance cheste e jè finide!

FLOREAN E LA TEMPIESTE

DIFESE DAL PLEVAN

Cialait ce lengatis che son ches feminis di une tiarte parochie! E disin: Mai nol scomenzave il plevan a là a benedi par lis fameis, e mai no vignive la tempieste. E ce entrial chell sant omp cu la tempieste? Altro che al jentrel disin lis lenghis. Lui al parà il diaul fur des ciasis; ma no lu parà tant tontan, che nol puedi fa mal. Il diaul invelegnat di no podè sta in pas dulà che l'ha passat l'autun, l'invier e mieze primavere senze molestie par part dal plevan, cumo si sbroche, al scenvolz il cil e al moleju tempieste par vendicassi cul plevan e diminui la entrade. E lis feminis e sberlin, parceche ciapin, ance lor di miezz. No varan rason, ma a lor par di vele. E disin che il plevan doveve là a benedi quand che benedivin chei altri plevans, chest unviar, quand che la tempieste no varess fatt mal. Ma chestis feminis no cognossin convenienze; in che volte il plevan al veve altri oe fa. Al jere fred e il plevan al veve bisugne di s-cialdassi; i uciei no ciantavin e lui al veve piazzè di sinti a ciantà; in che volte lis gnozz jerin lungis, il lōv al jere simpri in zir e senze la vigilanze del plevan al varess podut mangià qualchi piore; in che stagion si balave, e se il plevan nol tignive di voli su lis ancelis, qualohidune pòdeve là in mascare e puartai un grandissim doker a lui e a la biele direttrice. Insume fin cumò nol veve timp di pensai al diaul, che id fin dai cons nol faseve nè ben nè mal. Anzi se al ves volut segui il conseil di Florean, al varess fatt di mancoul di disturbassi ance cumò; parceche, a fevelà clar, si podaress

fa tant senze che parie, come che fasin chej di Orsarie.

In conclusion lis feminis, d'ovareassin lassà in pas chell sant omp, che al sfadie di e gnott par la lor glesie e pal decore di chej dai Rizz, che par gratitudine pensin ane ch'est an di preparai un puest di onor su la ringhiere destinade a la presidenza par la corse dei muss nel di de lor sagre, a la qual onorificenze vignaran daur lis cialzis rossis, che il Florean i angure cun plui ardor di chell che lui stess lis desiderare.

CHELL CHE FLOREAN AL SINT SENZE OLE

Dialogo fra Tite Lang e Zuan Frusin

— Mandi Tite, come vadie?

— Lassimi ti prei un moment co viodi se va ane une me gnesse in glesie a complimentà il vescul.

— Come? ise anele cheste to gnesse?

— Dio la tegni lontan. Jo no hai mai vude simpatie in che corporazion tant religiose, come che la disin.

— Ma ciò, se no jè bieles la sozietat mi par che al sedi biel e simpatich il non di Anele!

— Jo la pensi, che ches frutatis che son dentri tal numar une gran part e son tradis no, par pure e sincere devozion, come il non che puartin e il lor regolament comande; ma par une velade ambizion di fassi viodi simpri in glesie, a ciò la int è disi: Che e jè une burne cristiane; che e jè destinade al paradisi; fortunat chell omp che la spose, e vie di seguit.

— Podarà jessi ane cussi, ma intant lor e son anelis, e tu tu has tante paure che si fasi anele cheste to gnesse.

— Par ch'est anzi i ten di voli, parcechè po jessi simpri une qualche bavose habe che e sei fur di stagion jè, e che i s-cialdi ill cial a fassi anele.

— In fin dai cons, no l'è mingo un delitt, se ane si fas sozie.

— No dis ch'est, ma la zoventut e par bon si, a fa i sei dovès di cristian; ma no a stà simpri in glesie, ciantà, fa la manovre, va e no va, impià i mocui, la in zir cu la horse, e sta li in mostre in miezz de glesie esponude a tantis cialadis, come che fossin polezzis sott i voi dal martar. Cui so mari che stein, che imparin a jessi buinis cristianis, senze remenassi tant par

lis glesie, che imparin a diventà bravis feminis di ciasse e l'omp che lis spose al podarà ciatasi plui content, che di ches che son in qualche sodalizi par la tal paradisi des ocis.

— Tu mi has inguziit, tu has reson par die, jo o soi persuadut des tos peraulis, e anzi ane jo proibirai a mes fias di metissi in cial di notasi in nissune di ches sozietas.

— Jo, paraltri lis veneri e rispetti, come che fossin dutis mes fias, no puess di che fasin nissun mal a fa ch'est; ma solamentri no hai nissune simpatie in sozietas di ch'est genar.

— Nuje, nuje nance jò no uei savend. Intent ti saludi, stami ben.

— Mandi, mandì,

DA LA ZAE DI FLOREAN

Mi conte, il miò segretari Venturin, che il miò sfuei di Joibe passade, al ha fatt unmont di ciasse.

Difatt il sfuei al veve dentri dal salat, dal impevarat, dal grass, e dal magri cul pell parsore.

Il sfuei di Joibe passade al ha fatt nasci une specie di rivoluzion, a qualchidune i ha fatt vigni lis convulsions, il delirio, e qualchidun che no i ha la conferit francezze dal miò sfuei al si mostre minajos, cun personis o miei stipendias che no jentrin come il doi di cope cu la colaborazion dal miò sfuei.

O ricev e o publichi:

« Tes vicinanzis de fondarie de Poli, fur de puarte Aquilee e esist une famee che e possedeve un biell giall un poc masse viv se olès, ma dopodutt nol jere che un giall.

Sior si mo che a une femine, che sta tall istess curtiv, e che ha dos fias maestriss, cheill giall no i comodave, no i leve ju in nissune maniere, parcé che, e diseve je, che i coreve daur a dutis lis feminis. Cui sa poee che il giall al veve di fai.

Il fatt sta che ches femenutis, paurosiss dal giall, e vevin zurat la so muart, fin al pont che vignirin fur cu lis forcis par copalu. E podès immaginassi ce davor che al fo! E par ch'est la famee dal giall e ha seugnot dalu vie par doi frans mentri che

al costave cind, par' no viodi tunc di o l'al-
tre in giallicidio che al varèss pòdùt fa
nassi cui sa ce consequenzis. E dutt par
l'odio di tre femidis cuntri un pùar giall!
Cialait dula che al va a ciassasi l'odio des
feminis!

Mi mandin par publica:

« Florean

O ti prei a visà chei sis o vot scuelars
che vadin a fa l'amor cùn ches sartorelis
che stan fur de puarte di Glemone, a leassi
ben il ciapeli che han sul ciap, magari che
i metessin un sott gole a us soldat; par-
teche a un di chesg nase-pevar, l'altre sere
la mari di une di chestis frutatis i al ciolè
dal ciap, e voleve puartain, a dugg i cosg
al pari di chest moscardin. Chest, al si metè
a vai a fiffa, disind che jal tornass, no po-
dind là a ciase senze, se no lis varèss cia-
padi dai siei.

Finalmentri cheste, mote a compassion i
al consegnà; e l'amigo alorè al s-ciampà
vie plui che di presse; come un cian ba-
stonat.

Sà tu vedessis pò, ce purission di scue-
lars che jè la sere par che strade, al par
che zuein di corisi daur.

Figuriti Florean, che, fra lis tantis bam-
bossadis che fasin fra lor e han cumbinat
ance cheste, cioè, di scrivi une letare a la
plui biela di ches sartorelis, firmade da dugg
i siis, dula che i domandavin che scielzès
un fra di lor che i vès plui plasut a fa
l'amor. Difatt jè a ha scielzut il plui biell,
parceche no i ha rispindut che a chell sol.

Bisugne notà, che cheste fantazzute e ha
une agne unmont rigorose, che se lu ven
a savè i cride; ma la gnèsse, che de agne
no ha sudision e podarà rispindigi; tu
pense a di un requie al to Beput, e lasse
co mi distirghi jò cul miò merlùt.

O ricev e o publichi:

« Cheste e jè par te, Florean miò ciar,
e par consolazion dai contribuens. (i)

Asta presint che pozzè di aghe fetent,
subit fur de puarte Glemone, in flanc de
strade provincial? Ben. Tu savaras che zà
timp, par vistis di sanitat, il Municipi d'a-
còrdo cu la Provinci e vevin saviamentri
stabilit di sistemà il fossal, par dà scolo a
che aghe stagnant che impèste il vicinat.

Une cumission componude di Deputas

Provincial, di Assessors, dall'Inzeoir Capo
Provincial (chell des cicaris) e dall'Inze-
gnir Capo Municipal e fo sul sit.

Chel doi Capos d'Inzegnirs, dopo lunge
studis e consultazions e assiehrarin lie Au-
toritas di ve sciolit il probleme di fa la vie
di li che aghe; e non contents di ches, e
spiegarin ance in une dotte relazion che,
second i lor calcoli, l'aghe e sars lade par
in jù.

Va là viod mo ce che alè invece suce-
dud dopo fass i lavors!

La crodarestu? Invece di calà, l'aghe e
jè cresude: invece di cori in jà, e cor in
viars Poldo.

In verètat, e son robis che se no si ve-
dessin no si crodarèssin.

Il Capo Genio provincial al fo sabide sul
sit. Ance lui al disè che no l'ha vidut mai
plui une robe compagne. E i manovai i
ridevin su la muse.

Cumò i doi Capos-Inzegnirs si butin la
colpe un su l'altri.

Vedarin ce che al nassarà.

Ohr ce Capos!!

Un pòl di Ciavris.

(i) Sùn ches fatt Florean si vave zà ocupat, e
al ringrazie il Pòl di Ciavris des informazions da-
dis e di ches che al promett di dà.

(N. d. R.)

O ricev e o publichi:

« Ce uelino di ches funziions di gnott?
Ah si; sin entras tal mes di Mai. Lis fan-
tatis e i zerbinozz plens di bon timp han
bisugne di distrazion. E puje di mior, che
la sere. E par podè ciatà une, seuse han
tirat fur il mes di Mai, une volte mes dai
muss, cumò clamat mès di Marie. Da bra-
vis dunc fantatis; no stait a piardi il timp.
Quand che saress vedranis, nol zoyarà plui
nance il mès di Mai. Lassait dutt di bande,
lassait che lis mairs si rompin il ciav par
preparà di cene; voaltris lait in glesie.
Tal tornà a ciase no varèss paure, no vi-
gnaress solis, qualche bon agnùl us farà
compagnie, e quant plui seur sarà, tant
mior par voaltris. A riviodisi di ca a nùv
mesis. »

Chécco.

VINCENZO LUCCARDI, gerent responsabil

Udin, Stamp. A. Montalbani.